



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

Art. 1. Ex ratione Membri Imperij ostenditur, quòd Abbatia S. Maximini male dicatur alteri statui subesse.

urn:nbn:de:hbz:466:1-14268

Sed & quamuis regulare sit (vt ipsis Alexandri verbis vtar) *Quod priuilegium Principis sit latissimè interpretandum, præsertim contra ipsum concedentem, non tamen debet taliter interpretari, quod recedatur à verbis ipsius priuilegij, aut quod per ipsum ledatur eius Tertij; imò verba ipsa, si opus est, impropriari debent, vt minus Tertius ledatur.* ita Alexand. lib. 7. cons. 215. n. 4. & DD. passim. Gothef. ad l. beneficium 3. ff. de constit. Princip. l. 2. §. si quis à principe. ff. ne quid in loco public.

Vnde sequitur, quòd cum interpretatio illa, quæ pro Archiepiscopis ingeritur, sit non solum extra, sed & contra priuilegij verba, Tertijque, maximam læsionem inferat, reijcienda planè sit ac refutanda.

Commodum vel onus habeant Archiepiscopi; de eo non inquirunt Maximiniani, neque est cur sint solliciti, isti illud voluerunt, quæsierunt, forsan non optimo fine, illud habeant, sed nullo Monasterij detrimento.

Neque de cætero nouum est, gratis multa suscipi, omne mandatum sui natura est gratuitum, & contra illius naturam, si commodum vel merces interueniat.

Sed & decorum est, ab Imperatoria Maiestate mandatum suscipere, exequi: honestum præcipuè quæritur à Viris illustribus, quod eo maius est, quò minus habet admixtum de vtili, illo potiri non minima merces est, & tamen adhuc illa merces recipitur, quæ ab Abbatibus pro infeudationis opera honorarij vice ministris rependitur, nempe --- flor. aurei, quod & ipsum aliquid est.

S. III. Ex alio præterea capite, scilicet quòd Maximiniana Abbatia sit Imperij insigne membrum, ac, quod illam talem esse asserant, tam Archiepiscopi, quàm voti auctor; probatur, quod eadem Abbatia sit Status Imperij per se consistens, non in Archiepiscopatu inuolutus, comprehensus aut confusus, neque consequenter Archiepiscopatu Archiepiscopo subditus, Quodque insulse voti auctor de mediato aut subalterno Imperij membro comminiscatur.

Insigne est Imperij membrum Abbatia Maximiniana: ita testantur Imperatorum Diplomata, ipsi Archiepiscopi agnoscunt, ipse etiam voti auctor.

Art. 1. Ex ratione Membri Imperij ostenditur, quòd Abbatia S. Maximini malè dicatur alteri statui subesse.

Quid sit Imperium, nomen istud iuris excelsum, vti & quilibet alius supremus status, nòrunt omnes, atq; adeò quid sit esse eiusdem Imperij membrum, siue esse partem statum illum Imperij integram, aut de eodem statu participantem. Dubio procul agnosces membrum id esse quod per se, ac ex se suisque quodammodo ac proprijs neruis & articulis ad Imperii Corporis compositionem concurrat, & sese quodammodo confert.

Esto, inquit votum, at manere potest insigne Imperij membrum habens tamen officarium, Præsidem, Vicarium perpetuum.

Exempla profert, imò (ait) *Archiepiscopus Treuirensis aut Coloniensis, nonne membra Imperij sunt? Et tamen habent suos Principes, qui loco Præsidis, ut dixi, sunt, quibus loco Principis paretur.*

Bene est, quod de Archiepiscopi Præsidentia ais, illud est, quod dudum audire optârunt Treuirenses ciues. Istud per transennam.

Addit & illud exemplum in hæc verba, *Quid ergo dicemas de Hagenoâ Landte; vogtey.*

Subiungit, *idem de Prumiensi & Epternacensi Monasterijs?*

Rectè; & tibi acclamamus, immò & superaddimus non esse vllum Imperij membrum, quod non habeat suum, aut Præsidentem, aut Principem; Bohemia Regnum suum Regem habet, Saxonie Ducatus suum Ducem, Brandenburgensis Marchionatus suum Marchionem, Moguntinensis Archiepiscopus suum Archiepiscopum, Spirensis Episcopus suum Episcopum; Abbatia; Fuldenfis, Siburgensis & Imperiales alia suum Abbatem; Vrbes denique quauis Imperiales, aut Consules, aut alios Officiarios.

Subnectimus; & ipsa S. Maximini, suum habet caput Abbatem.

Quid autem inde referes? hancne conclusionem: Ergo potest esse aliquod membrum Imperij, & tamen alteri membro subijci? Ergo potest Abbatia Maximiniana esse membrum Imperij, & tamen esse in ditione & subditiōe Archiepiscopus siue Treuirensis membri?

Sed age: ex istis omnibus Imperij membris, quæ suos habent, aut Principes, aut Officiarios; nomina vel vnum, quod subit alteri membro, & tamen sit ac dicatur Imperij membrum?

Epternacense ac Prumiense allegabis; de istis paullum ante tetigimus, & vide, quo iure illa sint, aut habeas; sed hætenus cum Imperij erant membra, suberantne Archiepiscopatui Treuirensi? Et an erant membra ab vllō dependentia, nisi immediatè ab Imperio? Vis nunc illa esse suppressa? Vis eadem Archiepiscopatui esse vnita, annexa ac subiecta? simul & tollas immediationem necesse est, ac desinant esse Imperij membra, fiantque Archiepiscopus pars & accessio.

Illud est, quod dicitur, quod res vnita desinit esse, & transubstantiatur in naturam eius, cui vnitur, ideoque beneficium vnitum desinit mediante vnione esse beneficium, quod beneficium vnitum conuertitur in naturam eius, cui fit vnio & accrescit; Quod vnio beneficij est extinctiua tituli, tollens omnia vincula sicut mors omnia soluens; Quod vnitum beneficium post vnionem dicitur duntaxat prædium illius cui fit vnio, nec non efficitur seruus illius beneficij, cui vnitur. de quib. vide Hieron. Gonzalez *ad regul. 8. Cancellariæ gl. 5. § 7.*

Quod si dicas statuum vnionem non fieri, sed tantum eidem personæ duos status subijci: consequenter fatearis etiam necesse est alterum statum, alteri nõ subijci, vtrumq; sua iura, priuilegia & statuta retinere, alterum alterius onera non ferre. *Idem Gonzalez ead. gl. 5. § 7. n. 29. 112. 113. & seqq.*

Exemplum habes in ipso moderno Eminentissimo Treuirensi Archiepiscopo, qui Archiepiscopus est, & simul Spirensis Episcopus, vtrique ditioni præest, vtramque moderatur & tamen vtraque membrum remanet distinctum ac separatum Imperij, vtraque suas leges, statuta, priuilegia retinet, onera vnus non subeuntur ab alterâ.

Exemplum etiam visum fuit hætenus in hac ipsâ Maximiniana Abbatiâ, cum Ioannes Isenburgicus simul & Archiepiscopus fuit, & Abbas per Commendâ.

Qui adeo sollicitè vtrumque statum distinctum habuit, vt seipsum tanquam

Abba

Abbatem, à seipso tanquam Archiepiscopo, distinctè per Procuratores à se constitutos de feudis Regalibusque Maximiniani Imperatoris nomine inuestiri curauerit, qua de re extant acta signata sub Num. 56.

Ex quo probatur eorundem statuum distinctio, ac quod alter in altero non comprehendatur aut subiiciatur, neque quod alter sit alterius membrum vel prædium, sed hoc non minus, quàm istud in sua membri Imperialis natura, qualitate ac substantia consistens.

*Art. 2. Figmentum votatoris de membris subalternis
exploditur.*

EX dictis pariter refellitur illud, non minus inspidè in eodem voto quaesitum effugium, quod quidem membrum Imperij sit, sed subalternum aut mediatum, ex quo in effectu sequeretur, quemlibet Archiepiscopatus subditum ac incolam, quodlibet castrum, prædium, curiam, villam, membrum esse Imperii, quo nihil dici potest insultus.

Et absolum est, non solum ab Imperii stylo, in quo ægrè reperies de mediatis, quod ais, membris, sermonem vel scripturam existere, aut subiectam aliquam alicuius status particulam nomine Imperii membri præsertim cum epitheto *Insignis* appellari. Idque minus in Imperatorum Imperique constitutionibus, Diplomatum ac placitis, vel in Principum Imperii inter se tractatibus aut negotiis, quibus personarum ditionum, ordinumque statum, qualitatem, distinctionem indicare ac exprimere intendunt, in quibus sanè, si vllibi, vsquam, verba ista in propriissimo significato circumspectè vsurpantur.

Sed & ab omni ratione siue naturali, siue Ciuili, aut politicâ id alienum est.

Si quidem, uti in naturali corpore, ita & in politico, non omnis particula corporis dicitur membrum, sed illud, per quod diuerso & proprio officio corpus mouetur aut iuuatur, ut oculo ad visum, pedibus ad progressum, auribus ad auditum, manibus ad palpatum, naribus ad odoratum, lingua ad sermonem. *Didac. Couar. relect. Clement. si furiosus de homicid. part. 3. de delinquentibus ignoranter num. 8.*

Membrum corporis particula est, quæ circum scriptionem habet propriam, nec omnino alijs coniuncta est. *Idem ibid.*

Membra omnia distinctam operationem habent. *Ibid.*

Ideo non est membri abscissio, cum auricula abscinditur, quia illa cartilago quæ circa aurem est, dicitur potius ad ornatum & tutelam auris (quæ membrum est) quàm ad particulare corporis obsequium pertinere. *Idem ibid.*

Pariterque, non est membri abscissio, cum digitus abscinditur, quia digitus membrum non est, *ibid.* cum ijs, quos passim citat, Aristotele, Galenò, S. Paulo, Bart. Bald. *Idem ait Iulius Clar. sentent. lib. 5. §. final. quæst. 69. versicul. item quæro. Card. Tuschus verb. membrum, concl. 185.*

Respice Diploma Maximiliani I. in libello insertum lit. Z. n. 2. notatum, in illo non aliter vocatur Ecclesia Treuirensis, quàm *insigne Imperij membrum*, eodem modo, quo Maximinianum Monasterium nominatur.

Digniora quidem alia alijs sunt, uti & in corpore humano, sed tamen omnia sunt membra ad compositionem Imperij per se ac proprio quodammodo, pondere & iure concurrentia.

Sed neque ignobile sunt membrum, Maximiniani, nec frustra, *Insignis*, epitheto decorantur, illustre sanè est ac Venerandum in Imperio Cænobium,